



## Universitätsbibliothek Paderborn

**Theophili Bernardini E Societate Iesv De Religiosæ  
Perseverantiae Præsidiis Libri XI. ...**

**Bernardin, Théophile**

**Antverpiae, 1622**

2. Quid sit vera hominis delectatio.

[urn:nbn:de:hbz:466:1-47032](#)

## C A P V T II.

*Quid sit vera hominis delectatio?*

Delectatione hominem duciam diximus, & cuius notissimum est; sed etiam id proximum, ut eadem in re permanescat, ita videoas in comedendo, legendo, ludendo, & similibus actionibus, tamdiu perseverari, quamdiu comedio, lectio, ludus oblectat; at si saturitas, tedium, fatigatio, sublato sensu voluptatis, molestiam creant, tum statim vel ab his cessatur, vel si qua via perseverare cogimus, non sine tristitia, & quasi durissimum iugum, id excutere conamus: quid grauius, quam saturato cibum ingeras, si benè fatigatum, & ab eo ludi genere auersum, in agitanda pila contorqueas? Sed haec sunt delectationes corporis, quae & facilis comparantur, & aegrius quam delectationes mentis conferuantur, ut suo loco dicimus: interim ut ab illis ad has transseamus,

Vnicuique rerum generi eam vim indidit Deus, ut & sui conseruationes appetant, & his quae libentia commoda, naturæque conuenientia sunt, propensius & quasi libenter adiungantur. ita tuis teneroribus flagellis, implicatis in uno pedamini vitem, ita diurna siccitate hialcos agros calentem imbre penitissime sugere, & quodammodo sitibundè ehibere, itidemque in unoquoque genere res singulas id audiissime complecti videoas quod natura sua congruit, expanduntur, diffunduntur, vberiores & laxiores arrident. Sive in sensu prædicta sunt, tum sane naturalis existit delectatio, quam optimè D. Thomas, verbisque rem aptè & aperte indicantibus, ait esse ex presentia connotata boni. Quo sit ut alia sint visus, alia auditus, alia aliorum sensuum, aliarumque rerum delectationes, id etiam aliquem oblectet, quod alteri dolorem patitur, cum naturæ diuerse, nec non inter se pugnantes sint, diuerla atque interrimi pugnantia sint necesse est, quæ illis conuenire possint.

Quidquid enim delectat, necesse est ut ei cui delectationem affert, bonum esse videoatur, siquaque coniungatur, & quasi bonum agnoscat. In ipsa enim delectatione duo necessaria sunt, coniunctio boni, & huius coniunctionis quasi bonæ perceptio: nec enim absente bono delectamur, sed vel tristamus, vel desideramus; & si præsens, at incognitum, vel ingratum fuerit, neque sic delectamur: si enim adest, & nescimus, nulla inde potest esse iucunditas, molestiam vero creabit si auersamur, ut si ægrotis, cibosque quibus eget fastidienti, eos ingeras. At vero quoties aliquid nobis bonum esse credimus, illudque sic assequimur, ut iam id in nostra esse potestate videamus, inde necesse est ut voluptas & delectatio consequatur. ita aures harmonia praetenti, quam harmonicam iudicent, tamdiu delectantur quamdiu bonam indicant, vilis

1.1.q.31.  
a.1.6.  
1.2.q.11.  
a.1.ad.3.  
c.9.35.  
a.1.6.

vitis floribus & lene ridentibus pratis, palatum gratis saporibus, nares odo-  
rum fragrantia gaudent.

Cum igitur delectatio, sit perceptio praesentis boni cogniti, bonum autem cognitum ametur, & amoris tum perfunctio tum expletio soleat esse iucun-  
da, propterea id omne quod cum delectatione coniunctum est, iucundè,  
alacriter, impensè fit, laboremque delectatio exhaustit. Quod ô utinam in  
delectationibus illicitis non vique adeò verum videremus! sed si in illis, tan-  
tum tamen valet delectatio, ratione Deoque repugnante, quantum illas va-  
lituras credimus, quibus ratio, quibus Deus, & optima omnia suffragabun-  
tur? Iam enim ab illis quæ corporum erant, ad eas quæ animi transleamus.  
Verum,

Ex eodem D. Thoma obseruemus, duobus modis aliquid quod concupisca-  
mus esse delectabile: uno modo, quia conueniens est naturæ, ut cibus & po-  
tus, & quæ ad naturam sustentandam & fouendam faciunt; quare harum re-  
rum desideratio, dicitur, Concupiscentia naturalis. Alio modo dicitur aliquid  
esse delectabile, quia id nobis conueniens & bonum esse apprehensione per-  
suademus, & huiusmodi concupiscentia dicitur non naturalis, vel cupiditas.  
Et quoniā tam hominibus, quam brutis quiddam est secundū naturam  
conueniens, atque delectabile, ideò etiam communes atque necessariae illæ;  
ha verò, quæ ex cognitione oriuntur, propriæ & appositæ dicuntur. Cum 1.2. q. 32.  
autem in iis quæ concupiuimus oblectemur, quando ea sumus adepti, inde a. 3. c.  
fit ut pro concupiscentiae vario modo, varia exoriatur delectatio: cum enim  
naturaliter aliquid concupierimus, & adepti fuerimus, naturalis, siue corpo-  
ris delectatio sequitur; cum autem cognitione, persuasione, cogitatione im-  
pellente aliquid concupierimus, & assedit erimus, inde delectatio existeret,  
quam non naturalem, mentis, proprietam, vel appositam nuncupare possis.

Iam verò, cum apprehensio, siue imaginatio, & cognitio hominis, non in ibid a. 4.  
sola sensuum bona, sed in alia excellentiora, puriora, & à corporis concretio-  
ne remota rapiatur, ex omni verò desiderati boni consecutione delectatio se-  
quatur; dici non potest, quin etiam ex eiusmodi bonorum adeptione delecte-  
mur, illa si nouimus, illa si acquisiuimus: cumque non corpus, non imaginatio  
corporea, illa percipiat quæ tantopere sunt expurgata, non erit qui inde delecte-  
tur, nisi intellectius, ut vocant, appetitus, siue quod idem est voluntas,  
cuius tam est proprium bonis mentis delectari, quam sensus appetitui dele-  
ctari bonis corporis. Quare D. Augustinus hoc spectans dixit, *Cum consentimus Lib. 14. de*  
*appetendo ea que volumus, cupiditas; cum autem consentimus fruendo his que volumus, Cuius. c. 6.*  
*letitia vocatur. Itemq; cum dissentimus ab eo quod accidere nolumus, talis voluntas me-*  
*tus est; cum autem dissentimus ab eo quod nolentibus accidit, talis voluntas tristitia est.*

Quibus è verbis, & tanta doctrina, multa maximi momenti docemur, & id  
quidem primò, ut si proprio loqui volumus, non dicamus id esse hominis, quod

H h h

ia

in homine vel naturâ, vel ipso necdum volente, & animum aduertente continet; quare si quæ delectatio (vt impropriè loquar) vel irrepit vel irrumpit in sensus; pariterq; si quæ cuiuspam reiauiditas aut inserpit, aut vrget; quamdiu consensum solicitata voluntas negat, tamdiu neque hæc cupiditas, neque ista delectatio dicenda est; non erit quoque, vel metus vel tristitia dicenda, nisi voluntas accedens cesserit. Est enim æquissimum, vt mutationes, perturbationes, agitationes & obiecta, quæ vel foris secus adueniunt, vel naturæ vietiam iugis hominibus obtingunt, non ram hominis actiones, quæ n aliorum in hominem impressiones, & quodammodo iniuriosæ in repugnantem aggressiones habeantur, & dicantur. Ita est, quis tamen vulgi torrenti leges dabit, vidit voluntariorum & innvoluntariorum motuum sensus eodem, candem esse pelliendi, exterrendi, varie que permouendi vim, itaque eo dem utræcumque delectationis, vel tristitiae, vel metus, vel cupiditatis nomine compellavit: & deficientibus alijs nominibus, id ipsum tequi, & indiscriminatè loqui cogimur. At meminisse oportet, tum demum eas esse homini delectationes proprias cum voluntas accesserit; sin minùs, non hominis esse sed animantis, sed sentiens, sed naturæ, sed corporis & sensuum: vnde id præterea conficio, partem eam delectationis, quæ potior & præstantior est, à cognitione & voluntate, hoc est non à corpore sed à voluntate, pendere.

Præterea intelligimus hinc, quomodo cum vera tristitia delectatio, duæque diversæ atque inter se pugnantes delectationes esse simul in eodem homine possint: etenim si dissentiente atque renitente voluntate, blandæ quæpiam imagines, diutiūs, lepidius arque letabilitas sensibus inferantur, fieri non potest quin corpus earum oblectatione tangatur, tam diuque tangatur, quando illarum præsentia sensibus illudetur: nec enim in voluntatis est potestate effici, ut non delectetur sensus, quando aliquid naturæ suæ conueniens nanciscatur. Verum cum id inuita & repugnante voluntate fiat, ipsa quæ iudicet, bonum lude delectabile, non bonum, sed verè malum esse, quod fugiat, quod auertatur & perhorrescat, præsentis autem mali proprium sit, tristitiam patere, necesse est ut quod sensui iucundum est, id sit tali voluntati iniucundum, anarum, exosum, grauique tristitia contrahens: tum igitur si in uno eodemque homine tam voluntariè pelliciatur sensus, tamquæ fortiter voluntas recti reniens contraria delectationes insurgunt, quarum quæ potentior fuerit, vel alteram extinguet (nec enim sensu dominante vigore mentis delectatio potest) vel te-

cte



at rationi subjugatam, moderatius atque defecatus cum voluerit adhibebit, repellat ubi noluerit: sunt enim etiam suæ nonnullæ sensibus delectationes, quæ sic hauriuntur, ut liquidissimis animi voluptatibus nihil officiant, nonnunquam & eas prouocent, & augeant plurimum. Quis nescit & ex auditu fidem, & ex pulcherrimo rerum quas videmus ordine, Deum quem non videmus intelligi: & his ipsis in eundem pellicendi amoris suæ vtitur allector Deus.

Ex his autem quasi in transcursu dictis, omnis illa mirabilis, sacrisque Literis & viris decantata, carnem inter & spiritum, pugna cuiusmodi sit, quam anceps, quam varia dignoscitur. Tota enim & inter delectationes est, & delectatione geritur, & delectatione finitur; pugnarum incrementa, pericula, fraudes, clades, victoria, inducia, pax, ruptaque pace redintegrata bella, quid nisi alternantis, recrudescens, iritatæ, repressæ, vincentis, victæ, languentis, iterumque vigentis delectationis vicissitudines atque conditiones sunt: o beatum illum qui delectatione mentis delectationes vicit corporis!

Est autem delectatio mentis, quædam naturalis animæ quies, adepto quod sibi conuenire credit bono: fitque ad similitudinem corporum, quæ in loco sibi conueniente, ut grauia deorsum, levia sursum, naturaliter quiescunt, quasi tum demum illis bene sit; alias (vbi non impediuntur) mouentur, agitantur, naturalemque locum quodammodo suspirant: sic animus, vbi non delectatur, non quiescit, audiè inhiat sursum, deorsum, vbi delectetur inquirit; quod vbi repererit, quiescit, delectabiliter fructus, nec inde nisi delectatione recedente diuellitur. Locus animæ, inquit D. Augustinus, non in spatio aliquo est, quod forma in psal. 1.2. q. 31. art. 8. occupat corporis; sed in delectatione, quo se persenisse letatur. Delectatio autem perniciosa sequitur cupiditatem, fructuosa caritatem.

Cum igitur delectatio, sit grata quies animæ, non potest ea in re vera esse delectatio, vbi vera quies esse non potest; cuiusmodi esse nequeunt quæ fluunt pereuntque continuò, & quæ animo perturbando quam tranquillando sunt aptiora. Atqui in corporis fluxis delectationibus, quæ totæ in rerum incertarum motione consistunt, cum ipsæ sint instabiles, quæ stabilis quies esse potest: quapropter, eis insultans D. Augustinus, Vbi sunt, inquit, delicia vestra, Serm. 15. propter quas ambulatis vias prauas? Non dicimus, Vbi erunt, cum hac vita transiit, de verb. Apof. sed modò vbi sunt: Cum hæc diem bodiernus dies absulerit, & bodiernum crastinus ablaturus sit: quid eorum quæ diligiti, non transcurrit, & transvolat? Quid non fugit penè antequam capiatur, cum ex ipso bodierno die nulla posit vel hora retinerit? Ita enim secunda excluditur à tertia, sicut prima exclusa est à secunda: ipsius hora vnius, quæ præsens est, nihil præsens est; omnes enim partes eius, & omnia momenta fugitiva sunt. Neque vero id in delectatione, quam in tempore minus verum est. Eius enim quæ auditu, gustu, tactu leniùs titillat, estne pars illa quæ permanet? delectatio quæ præterit, desist; quæ futura est, nondum est; præsentis autem, quantulum est momentum! quam decurtatum! quam volaticum?

H h h 2

Iam

Iam verò si à ratione sunt alienæ, si diuinis legibus repugnantes, nulla quiet, ac proinde neque vera delectatio esse potest, in rebus eis quæ mentis, ratione præditæ, verum bonum pessimant, prauitatem, errorem, ignorantiam, insanitatem pariunt, ordinem euertunt, carnis & sensuum à domina ratione,

**Confessi. 2.** Dei que lege iustissima rebellionem fouent. Verissimè D. Augustinus exclamat, Deoque loquitur, *Quies est apud te valde, & vita imperturbabilis.* aboque loco, *Fecisti nos ad te, & inquietum est cor nostrum, donec requiescat in te.* Hinc animus à recto deficiens, instar corporis est deficientis à vita, cui bene esse non potest, in morbos, in corruptionem, in dolores & fætores labitur; nec diffimiliter animus, in infirmitatem, in tenebras, in anxios timores, conscientia que cruciatus, improba delectatione compingitur, semperque in deteriora prolabitur, augeturque peruersitas, nisi se ipse respiciat, & errore correcto vitam sanctius instituat.

Quod cùm fieri cœperit, & quasi illucescentis diei tenuiter aurora splendor erit, amarus quidam peccatorum dolor, præteritarumque sed praurum delectationum horror animum occupat, suique iam & pudet & pœnitit, facta infesta cupit, & de malè factis à se pœnas exigit, acer expostulator, dirusque invictus, ac innocentia prostitutæ vindex. At quoniam hic ipse dolor, ratione consentaneus est, mali depulsor, & bonorum est euocator, quoniam ad Deum, qui finis, qui summum bonum, qui pacatissima hominis quies est, reuocat hinc fit ut iusto isti dolori acquiescens anima, tranquillati incipiat, spe meliorum erigatur, & mirabiliter dolor ille dulcescat, eo iucundior, quo amari, imò lacrymæ ipse quo vberiores & calentiores, eo sunt omnium gratiores. Nempe id efficit, partim rectitudo naturæ conueniens, cui gratum est malis pessimis, duraque voluptatis seruitute liberari; partim & maximè, De Domini nostri liberalis benignitas gratia sue delectabilem suavitatem infundens, hominemque humanis, hoc est amoris, vinculis sibi lenissime artificiisque deuinciens.

Concludamus igitur, Veram hominis delectationem, in mente esse, rationi contentire, ex iis duci debere quæ pacem animo pariunt, conscientiam tranquillant, virtus & perturbationes reprimunt, ad æternam beatitudinem conducunt, Deoque fini ultimo & summè desiderabili atque delectabilipeius adiungunt. Intra meos me limites arctabo, alias quomodo haec hanc, quam variae quantæque sint sanctæ delectationes amplè admodum dicere, & pleni sunt Sanctorum libri. Aliquid leui brachio obiter tentemus.

CAPVI